

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 70 (1985)
Heft: 24

Vorwort: Remarcas redaziunalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>

Remarcas redacziunalas

La part belletristica da quei Ischi semestril cumpeggia duas contribuziuns. L'entschatta dat *Theo Candinas*, Cuera/Surrein, cun sia historia «Carriera d'ina bandiera». Cun bandiera eis ei secapescha manegiau cheu dapli che mo in'asta cun in toc teila. Il text selai lu era interpretar da pliras manieras. Meins il cass ei quei tier la historia «Il grisch ei il pli bi» da *Renata Deplazes*, Cuera/Rabius. Quella sebas sin regurdientschas d'affonza ed ei era scretta ord quella vesta. *Dr. Bernard Cathomas*, Cuera/Breil, sefatschenta cun la damonda «Tgei spetga la pratica romontscha dalla scienza?». En siu artechel parta el da quei ch'ei gia vegniu prestau e presenta silsuent in entir catalog da lavurs che fussen necessarias per in manteniment efficaci dil romontsch. Quei artechel sebas sin in referat che Bernard Cathomas ha salvau a caschun dall'avertura dalla «Jamna da studis romontschs» dalla Fundaziun Retoromana a Laax, ils 4 d'uost 1984.

Las contribuziuns dalla sparta «Religiun» ein quella gada dedicadas a dus Romontschs, apostels dalla caritad. Sur *Felici Maissen*, Cumbel, descriva veta ed ovra da «Sur dr. Gion Fidel Depuoz» e sora *Florentina Camartin*, Mustér, presenta igl enconuschent «Pader Theodosius Florentini». Quellas duas persunalitads han prestau fetg bia oravontut sil camp dalla scolaziun, educaziun e caritad. *Martin Mathiuet*, Trin/Surrein, ha rimnau avon zacons onns las «Nodas-casa e las nodas d'ureglia da Surrein, Clavadi e Sogn Benedetg», treis fracziuns dalla vischnaunca da Sumvitg. Igl Ischi semestril publichescha bugen quella interessanta lavur che sa forse era intimar auters da rimnar e cheutras salvar documents e far enconuschent fuormas da viver e secunvegnir en nos vitgs muntagnards. A caschun dalla reavertura dil Hotel Cruna a Mustér, che secloma ussa «Casa Cruna», ha pader *Ambros Widmer*, Mustér, relatau davart historia, proprietaris e hosps da quei enconuschent hotel. Ed igl Ischi semestril reproducescha cheu quei referat.

Sco adina vegn igl Ischi semestril termina cun la «Cronica», cumpilada dad *Ignaz Cathomen*, Falera, e la «Litteratura sursilvana» che *Norbert Berther*, Cuera/Rueras, ha rimnau.

Il proxim Ischi semestril cumpara l'entschatta november 1985. Artechels ein da tarmetter alla redacziun sil pli tard entochen miez uost.

